

Nd.

**373. Nefndarálit**

**[150. mál]**

um frv. til laga um skattfrelsi Sonningsverðlauna Halldórs Laxness.

Frá 1. minni hl. fjárhagsnefndar.

Þegar einhver auminginn  
ekki borgar skattinn sinn,  
hnappagylltur, harðsækinn,  
honum ógnar fógetinn.  
Allir verða að leggja fé í landssjóðinn.  
Þangað streymir þitt og mitt,  
og þá eiga skáld að borga sitt.

Úr prestakalli Primusar  
piltar róa á saltan mar.  
veiða fisk og greiða skatta og skuldirnar.  
Og heiðurskonan Hnallþóra  
hefur goldið skattana.  
Enn er hún traust, þó annað fari í hundana.

Söfnum fé, því enn þá er  
ýmislegt, sem vantar hér.  
Skólahúsin hér og þar,  
og heilsuverndarstöðvarnar.  
Til að líkna og lækna mein,  
hjá litlum pilti og silkirein,  
sækjum ögn af dönsku gulli í Gljúfrastein.

Hollráð er við höndina.

Hér er

d a g s k r á r t i l l a g a :

Verum ekki að toga þetta til og frá.  
Tökum fyrir næsta mál á dagsins skrá.

Alþingi, 19. marz 1969.

Skúli Guðmundsson.